

歸

愚

詩

鈔

歸愚詩鈔卷九

長洲沈德潛礪士

七言古詩 長短句附

有酒行

懷宋介軒在曹縣
陳樹滋在端州

有酒且欲歌今夕
明月入戶光華白
同向天涯照故人
把酒依稀見顏色
故人作客之何方
近者曹南遠炎荒
名場潦倒兩君子
當年意氣俱飛揚
介軒才調驚吾吳
豪興直欲傾江湖
相逢坐上每痛飲
酒酣拍手歌烏烏
雕鏤萬象怒真宰
要令片語人間無
青史陳生吾畏友
胸中雲夢吞八九
落筆

能爭造化功臣靈神斧螭皇手狂來脫帽向諸侯
萬歲千秋一杯酒壯心未肯閒蒿萊跋履同上昭
王臺會者誅蕩天門開隋珠棄擲賤魚目霜蹄蹙
蹶慙驚駘老大天邊作羈客世人齷齪安得知其
才思君願君歸去來何須橐筆隨鄒枚此中唯可
飲美酒虛名於我何有哉君不見李杜文章足千
古世間富貴俱塵埃何當與爾坐明月一曲狂歌
酒百杯

芙蓉映水歌和方冀朔

江潭一夜飛清霜芙蓉寂寞開寒塘宛如美人對

明鏡碧空影裏涵紅妝誰家少婦塞湘芷見此躊躇暮愁起遙天瑟瑟鯉魚風剪斷紅芳落秋水

今日行

集李實君玉
洲草堂

今日何日會良友玉洲草堂具區口灘頭雪浪走垂虹庭際春風動高柳眼前俱是我輩客跌宕情懷付杯酒興酣豪翰飛不停片語驚人陸曹偶回思往事二十年吳中哲匠推橫山竹垞先生駕水至招引文士登詞壇霸才從橫押強韻紛披金薤垂琅玕兩賢先後墓草宿文星掩却光芒寒風流雲散歛轉曉往往花月顏無歡于今兩鬢星星出

豈意相逢復此日
前輩敦槃如夢寐
後生文雅堪追述
健筆疑揮巨靈斧
清冷似奏湘妃瑟
所憐蕉萃百不如
江湖索莫多愁疾
肘間係印輪達官塞
外立功慙成卒
男兒半屬可憐人
雌伏雄飛竟難必
當筵月出流清光
春雲淡蕩隨風揚
中宵欲別不忍別
前路彼此愁茫茫
由來良會偶然耳
朋輩聚首難為常
萬事撥棄不礙道
為君泥飲傾壺觴

魏傳巖畫墨竹歌

鄱南公子髯如戟
眼中無物氣無敵
醉餘揮筆掃竹枝
倏忽琅玕勢千尺
一叢新長成籜龍
亭亭直

上捎青空一叢礪畔忽斜出寒梢俯地煙濛濛一
叢偃塞穿石罅蕭疎鳳尾搖清風兩枝枯幹頭且
童勁節中斷如截蔥其後崇岡恠石各異態千梢
萬叢隨橫從乃知成竹在胸次元氣入手人無功
自言北地寒威酷只有黃沙少脩竹平生愛竹如
性命借此豪端洗塵俗披圖凜氣來滿堂觀者動
色神蒼茫恍惚風雨黃陵鷓鴣語令人咫尺遊瀟
湘

大風行

七月二十日

黑雲如潑墨歟忽漫蒼穹鬼神慘澹行虛空天乃

大雷電以風狂風度江勢逾急吹動江水江起立
長鯨老蛟神暗泣須臾驟雨如盆傾雨師風伯縱
復橫齊軍萬弩射馬陵屋瓦大震昆陽城二儀清
濁那能辨義娥停足不敢東西行華屋傾大木拔
城垣崩帆檣折沙戶居民盡奔竄頃刻性命隨魚
鼈我時寄跡江之皋遠聽風雨連波濤中宵屋漏
數移榻髣髴杜南屋上卷却三重茆朝來神色惴
恍不得定剪紙欲把驚魂招或言淮徐以南維揚
以北千里同惡風山礧谷湧不休息長空飛鳥斷
行迹胡商賈客泪霑臆百歲老人詫奇特天意微

茫詎能識吾鄉卑濕稱水鄉前年急雨秋禾傷此
番風暴可無恙西成還許歌豐穰不然寧可吾廬
獨受破把茅猶得遮垣墻迢迢南望天一方何時
消息到我傍對案欲飲還停觴晚天陰雲復四合
仰望空際心茫茫

月夜汲中灑泉

泉在江心石
罅之側

浮玉山頭月光起金波鱗鱗漾千里微風不動水
無聲短棹直入空明裏江心有泉名中泠尋源何
處窮冥冥珠沫難逢窟穴秘銅瓶深墜蛟龍驚千
層濁浪名泉出一勺清寒徹肌骨歸拾松枝活火

煎地爐已熟江中月

月夜見珠沫起處知是泉穴然珠沫不常見也

得盧生景程書却寄

三山古渡西津岸忽得鯉魚長尺半烹魚中有盧
生書言言勸我加餐飯人生別離情日新同心豈
在長相見賤子何以答綢繆當食臨風倚增歎朱
方留滯薄寒初故里伊人天一隅多景樓頭向南
望白雲何處是姑蘇

地震行

戊戌五月廿一日秦中地吼如牛鳴須臾震動數
千里碎旬恐是天根傾臨洮鞏昌勢尤劇雉堞圯

壞無完城伏羌郊外地迸裂通渭城內山奔崩人
民廬井入九地谿壑歎忽成正陵五臺呀然臨一
角南五臺山下視千丈深冥冥吾聞春秋記災異聖人
特筆昭創懲山崩者二地震五其事更異書無水
唯時宗周弛綱紀天遣災變相頻仍方今

聖皇位九五經紀上下還清寧滋液滲漉普煦育
熙熙萬類霑生成如何方輿偶缺陷三輔遠近紛
震驚野人不識造物意叩首直欲排天扁伯宗有
問絳人對乘縵撤樂非無憑况聞秦隴歲不登燉
煌郡外方屯兵

遊焦山作歌

昔年輕舟溯浮玉

焦山舊名

中流逆浪騰蛟鼉同舟驚

悸不肯濟相望數里無如何今來截江徑橫渡一
舸放溜如擲梭象山勢屨屨焦山對昂俄帆風忽
轉睫送客登陂陀金銀佛寺隱蒼翠懸崖萬樹交
枝柯瘞鶴舊銘字有無三詔洞口垂煙蘿入雲頗
嫌衣袂重曳杖不覺巉巖多山巔有亭歛開豁俯
看千里惟洪波長空遙遙飛鳥盡下似隱見堆麤
螺東流會合想滄海西日經過應岷峨斷霞餘靄
散江面但見江光一氣相吞摩眼前佳景豈易得

轉惜壯歲淪蹉跎十五年前總如夢中間空見奔
義娥名山招我須急往今日差免山靈訶吸江亭
邊且高臥人生遑復知其他天半拍手歌狂歌

寄周允武欽菜昆仲兼訊陳大樹滋

東坡四海一子由我無兄弟誰與儔平生求友過
饑渴中歲得遇錢唐周大周便娟若雲子筆下能
挽銀河流小周病鶴癯而修獨奏古音戛鳴球相
逢關險盤硬語談笑直欲分鴻溝我生屈強頗自
負對君那敢輕挾輶軍得勝振旗鼓隴山敗將
慙復羞酒醒夢斷忽二紀崩波日月誰能留虛名

從古不可食潦倒直似囚山囚君家兄弟亦寂寞
鵬鳥見笑蜩與鳩男兒一事差自信不同陞楯呼
伶優今年我作南徐客懷古獨上芙蓉樓三山煙
景落杖底江光萬里囊中收新詩束筩遠相寄丈
采有媿珊瑚鉤禾苗稂莠襟疆畔煩君芟薙勤耰
耰故鄉相遇陳驚座為道故人方壯遊

南徐寓中作歌六首

有客留滯江之涘終日昏昏常隱几眼枯見骨耳
欲聾去年落牙今落齒中心煩寃誰能理夜長不
眠攬衣起空庭有樹風怒號感此忤忤淚如泚

我生弱齡遭破家盜賊水旱頻相加以喪接踵先
祖逝噩夢歲值龍與蛇清時遺民守貞白四十餘
年人莫識賤子未能述祖德百憂填膺感今昔
母兮鞠我厯勤苦慈烏哺兒敝毛羽驚風墮巢難
奮飛奄然物化歸黃土烏雛夜夜啼向天于今三
紀如雲煙宵來有夢牽衣泣依然乳哺孩提年
有弟丹唇髮如漆髻年俊邁誰與匹無端摧折棠
棣枝使我獨行至今日鵲鵲原頭飛且鳴人無兄
弟難為情年年奠汝一杯酒三尺土邊青草生
小人無母誰我親先子怙恃兼一身恩勤鞠子傷

形神可憐生我不得力陽和煦育成棘薪褐衣藿
食未終養章服列鼎為何人天高此恨難重陳
有獺有獺捕魴鯉歸祭其先能反始馬醫皂丐亦
薦新羔豚未享空為人寒食飄零大江岸墓田迢
迢隔鄉縣老妻代我陳麥飯回望南雲腸欲斷

登陽山絕頂

秦餘杭山不知幾千丈箭關嵯我在天上捫蘿陟
磴身忽高下界送眼難為狀羣山起伏遙相從髣
髴長老呼兒童山沓水合渺無際但見太湖隱隱
環西東青天微茫不在外白日恍惚沈其中峰迴

境斷陰風呼行人到此寒肌膚老湫昏冥龍所都
往年投符禱甘雨神物出沒雄牙鬚山川終古闕
靈異唯有句吳霸業歸虛無章明妖夢占俱應黑
犬亡吳事前定遠道奔亡悔已遲山中枉殺公孫
聖風前憑弔空歎歎何處鐘聲入清聽此時日欲
落樵徑寒雲還山腰諸峰若浮動倏忽中斷青巒
屹左望館娃宮右望鍾吾山夫差冷魄何足喚顏
為赤松弟子采藥煙巒間我雖老矣能躋攀

宋磁注水匝歌為顧秀野太史賦

匝高四寸腹徑三寸七分口殺其腹之二

始掘地為池得古井見焉共九器俱毀敗
惟匣獨存中實古錢翠色如泥迎風即凝
貯水經久不壞識者目為宋磁也

閻北先生劇好事古玩累累案間置彝舟瓦泰連
犧尊紋目如遊賈胡肆硯址還陳注水匣形模渾
樸無款識依稀認得北宋年似辨齊桓古銅器傳
聞得自古井中瓶罌上下堆幾重五銖之錢實滿
腹柔因井深堅因風羸其瓶罌匣好在天意護惜
人無功水泉一勺久不壞炎月清冷如嚴冬錢王
秘器人罕覲越窑奪卻千峰秀此匣聲價共低昂

鄭旦夷光孰妍陋晶瑩滑澤識官窰宣和以前靖

國後

政和間因定磁粗陋京師燒造名官窰

汴京離黍艮嶽亡塵劫

茫茫逢北狩小物流傳天地間何年入井藏深甃
土蝕苔侵千載餘一朝先采重璫璵主人齋閣靜
相對挹水磨丹日注書爭似西京晉靈冢重淵空
躍玉蟾蜍

食鶴散人歌

為尤在京賦

散人逃名入巖谷散人采藥尋杞菊三旬九食不
關心食鶴惟謀鶴糧足松門深處雲冥冥起臥手
把浮丘經放鶴招鶴還跨鶴天風送汝遊玉京超

遙笑指瓊田青

題祖山人雲響圖

善琴

山人夜登匡廬山排雲直上香爐雙劍之峰巔忽
聞山間白雲作聲響恍惚驚霆激玉來空天疑是
雲之聲不聞他山嵐氣鳴淙潺疑是泉之聲但見
潏然萬頃凝浮煙雲中有泉泉入耳是雲是泉得
琴理歸來寫入三尺桐千疊雲泉座間起

復旱

日出未出如血紅火雲燒天蒸毒風下田亦作十
字坼上田禾苗等枯蓬黃衣道士窮法術訛言天

意當乾封去年荒旱苦乏食縣令惜血鞭耕農蜂
喧蟻屯不肯靖九歎那惜懼凶終愚民可懲亦可
閔仁者終願全哀鴻今年旱魃復為虐天高難問
真夢夢傳聞金壇溧水間蝗蝻過處田俱空義興
百里染沴氣老者憔悴連兒童往者湛恩下南國
截漕十萬防災凶出陳易新有良法要令江左無
疲癯黠吏飽歠窮檐餓官長何必皆瘖聵養鷄驅
爵豈天意轉瞬赫怒回

宸衷夜深不眠坐待旦海嶠月出天之東仰首商
聲誦雲漢忍令雕敝丁吾躬

星實行

東方明星光爛爛西行百丈疾於電芒角射地櫨
馬驚剗然有聲起天半正布橫空亘銀漢半明半
滅光不散或言晃朗天門開或言天狗聲如雷或
言天機或枉矢紛紛議論何有哉今

皇涵育徧八極要使萬類如提孩何為垂象示脩
省祥桑雉同妖灾天官之書理難測曰幹彼蒼
君相職

集九賢堂贈任翼聖高澣文儲定伯于爾
皆向之主人蔡方山兼以志別

我乘白黿沂荒江江流浩浩山蒼蒼暨陽城邊一
長嘯天地容我羈人狂故交別離已三載訪舊驚
看鬚鬢改高堂置酒會衆賓屈指坐間某某在任
子老手文章雄醞釀六籍光熊熊高子儲子氣相
仇位置欲闢逞西京上二子擲筆鏗有聲左顧右
眄縱復橫主人蔡子富文藻朱鳳摧隕羽毛好相
逢大笑披襟懷酣呼跌宕傾尊罍感君意氣與君
友笙匏異器聲相諧男兒窮達自有命但須胸次
空纖埃江湖無用五石瓠廟堂有待千尋材誰能
低眉折腰向權貴舉動齷齪令人哀日晚霜風動

江口當筵忽聽蛟龍吼醉來起舞鐵如意仰看高
天燦星斗欲別惜別難分手為君更盡尊中酒明
日伯勞燕子東西飛千里江雲重回首

訛言行

烏啞啞狗獃獃狐狸跳踉坐高屋訛言一夜傳滿
城城中居人半號笑雞聲角角鼓聲斷絕扶男携
女出城關縣官來太守來榜示彈壓不肯止荒村
深處依舊萊訛言煽惑犯王法唐虞盛世何為哉
探丸惡少紛成羣帶刀放火行劫人平沙古岸荻
蘆渚白日往往沉冤魂告縣官縣官謂言唐虞盛

世安有此告太守太守謂言訛言煽惑當誅汝汝
曾奔竄自送死愚民吞聲淚如泚

贈王耘渠丈無道別

昔年相遇秦淮樓樓頭買醉澆牢愁今年秦淮復
相見落拓依然縱談讌髭鬚白盡兩頰紅興高奪
稍羣英中酒酣耳熱肝膽露豪情右眇還左顧先
生少主文章盟使筆直使秋空鷹跨海欲掣掉尾
鯨意氣魁壘山嶽傾豫章干雲世難用龍泉貫斗
衆眼盲一官如泥等閒棄鳳鳥肯逐羣雞鳴杜陵
老去依幕府醉後登牀傲嚴武青鞵萬里歸去來

滿徑蓬蒿守環堵回空那及猗氏盈名塞滄瀛竟
何補唯餘愛才一寸心結交忘年到爾汝酒間誦
我新詩篇為言逸興凌雲煙低昂奮袖時起舞淮
樓四座停歌筵我生厄塞殊自憐途窮迴車年復
年一人知己可不恨何況推獎逢高賢為雲為龍
未可定東西南北安得相周旋春花落盡辭鄉久
歸心觸撥濃於酒東風知我重離羣當筵吹折秦
淮柳前途彼此兩茫茫天邊明月分清光遙憶君
家著書處金壇山下松花香

吳小仙雙松醉仙圖

半天雲雷卷中起龍吟虎吼空堂裏誰掃雙松勢
千尺吳生小仙醉時墨几席陰森失豪素上拂玄
冥真宰怒林間中酒一丈人頽然高卧忘其身松
風滿壑吹不醒一卧直欲三千春何時起來松下
更飲酒笑問乾坤無恙否

苦熱三首

赤烏萬翅張雲霄祝融施鞭火龍驕熱氣毒淫飛
鳥墜海枯山焦豈天意晝長難食夜難寐嗚呼世
間非無峨嶺積雪迷廬泉安得驅之俄頃來眼前
清涼之國變燠灼炎官操權一何虐南山女媛稱

旱恠風雷起雲向空拜倏忽火雲燒天外毒風卷
地飛黃塵發狂大叫心如焚道旁暍或多行人
河渠乾枯井泉竭吳中癩旱兼酷熱空堂揮扇汗
如雨農夫煎熬心更苦連年荒旱可柰何血淚不
救田中禾而况炎天萬里運橐駝酒泉郡外方橫
戈

采茶辭

采茶早冰芽小采茶晚綠雲滿女兒連袂山谷中
擷將鷹嘴盛筠籠歸來炒焙趁時候地鑪慢火家
家紅公家權茶問茶戶上品緘封奉官府今年葉

卷茅耕焦恰值三春斷雷雨薜園辛苦償茶租田
間菜麥還乾枯

未央宮瓦歌為何子未賦

故人示我古時瓦傳聞掘得長安中摩挲古篆未
央字漢家宮闕倉池東營宮立闕由蕭相龍首樊
川作隄防尊嚴豈藉舛孫通天子由來在天上清
涼溫室武帝成繡栢玉碣琉璃帳璫聲紫色居漸
臺臺殿西京旋淪喪轉瞬雲煙十七朝關中王氣
幾回消右平左城今安在片瓦翻然聲價高何郎
胸懷好古癖坐右琳琅滿金石周秦法物巧蒐羅

但惜咸陽失金狄區區古瓦甃錦綈昕夕相看等
珪璧陶器千秋那足傳漢高文武自英賢漳河銅
雀休珍重晚鼎奸雄賤老瞞

集黃尊古草堂觀山水圖作歌時黃將遊

武夷

五年相別今相見綠酒青燈夜開燕主人酒酣示
我新畫圖壁間高挂驚溪絹江流一漚水山岳數
蟻垤咫尺萬餘里浩氣凌滄洲空堂嵐氣出復沒
耳邊侶聞熊羆叫嘯清猿愁忽然川迴山斷勢平
遠清沱淺渚林塘幽陰晴明晦遞變態粉墨真許

追冥搜坐間劉廣文

湘洲

嗟咨歎欲絕亦有王文學

舒睇眊今豪末我時把酒還披衿意興能窮造物

窟我謂主人工畫如工文筆未落時先凝神主人

謂我作文如作畫要使筆力回千鈞主賓相視復

相笑此中三昧外人那得探其真我不能畫解畫

理如君畫師辭客兼一身酒闌脫帽意氣豪自言

趨捷追猿獠遍歷五岳到絕域采玉河畔嘗遊遨

武夷九曲未沿溯使我夢寐心煩勞今日有酒且

痛飲明朝茫茫寒浪橫輕舸三十六峰試芒屨歸

來皴染開北壑高堂置酒邀我看神往仙巖聽仙

樂

水樂亦
名仙樂

飲徐星友澹園

家貧愛客如性命典衣沽酒紛餽飮
蜃虀鱸膾堆盤高藏釣卷波分其曹
談天炙轂氣豪縱如鷹下韝還解條
屢醒屢醉日將暮春風作顛留我住
閒園吹折櫻桃樹

吾生落拓頗自負作詩恥落元和後
見君新辭輒歛手酒闌滾滾千餘言
赤城霞氣迷廬泉張王元白非俊物
逸氣直欲追青蓮丈夫眼前得失何足
道文采要是爭千年

主人酒酣斫地夜起舞肝肺槎牙向人吐黃金散
盡何須來那能齷齪同商賈有絲不繡春申君沽
酒還醉劉伶墳所居在春申封邑宅旁有劉伶墓放歌一曲千山
春聽君高談氣礪嵒眼中之人見之子

秋雨歎

秋來陰雨四十日黑雲漫空太陽匿鬼車鷓鴣白
晝鳴客子相對無人色百歲老農皆歎息眼中未
見罹此厄漏天有罅誰補塞愁霖一點血一滴
郊原滔滔決堤岸田間鯉魚長尺半行人指點白
水中萬井禾頭揔糜爛

天家恩詔減浮糧不向牽牛怨服箱波臣何為奪
民食搔首欲問天蒼茫

鮑南皋得東坡先生遺像屬賦長句

東坡先生天人流高文大節無與儔鳳鳥剪翅魚
中鉤畢生竄逐罹窮愁身騎箕尾名千秋遺像珍
重逾琳球短筇箬笠髯而修白描妙手輕朱繇當
年謫官判杭州來往時作金焦遊至今圖畫朱方
畱南皋詩老遊江濱戴公山畔餐煙雲時夢坡老
通吟魂卷圖相贈來野人六百載後逢其真忠義
滿腹流精神豈獨文采長鮮新誰為尚友追先民

溪毛烹茗明信敦薦以真乙東坡所造酒名香清芬作詩

一笑君應聞用東坡題太白像句

王節婦詩

喜喜出出廟有聲又聞毫社妖鳥鳴宋灾伯姬坐
焚以待姆不至捐其生王家婦操勵冰蘖鞠子空
閨戒姑息共姜矢志念我儀伯姬守禮身不惜火
龍火馬興妖灾一朝母子成飛灰寸心耿耿不磨
滅金石可貫雲為開至今疑聞鬼神泣行人過此
心悲哀共姬之墓昭特筆千載金壇共高節

邊頤公潑墨圖

髯翁示我潑墨圖貌出髯翁氣豪宕胸中隱隱盤
鬱律芒角吐餘高十丈兒童汲井磨隄握筆縱
橫勢一放煙雲竹樹紛空堂水鳥山禽欲飛颺提
刀四顧想庖丁殘墨淋漓神愈王乃知好手能通
靈觀者直似無丹青滿堂歎息如有聲美人捧研
動顏色仿佛太白得句沉香亭邊頤公誰敵手呂
紀孫龍兩失真白陽天池差對偶飛潛動植皆爾
師詎向古人求尚友披圖如見張旭醉後作草書
墨池濡首還狂走邊頤公興欲顛知爾墨妙原從
天廟堂待爾圖民艱更須潑墨恣揮灑一寫幽風

七月篇

簡汪茶圃

少歲乍聞汪君名健筆能賦東西京中年乍識汪
君面翻恨十載遲相見後來并見汪君心清逾冰
雪高雲岑長嘯凌瀛洲遠眺萬里外蓬壺腳底遊
組綬腰間佩頭顱如許故依然富貴神仙兩茫昧
胸中堆阜那能平鬱律衡蒿恒華岱草堂小築琴
河邊遠聞嘉客喜欲顛留客每恨囊無錢拔釵沽
酒釵已盡笑泥紅閨明鏡前安仁悼亡詩屢賦窮
廬抱影同枯禪今春我作尋山行感君為我開柴

荆山疏小摘具賓主適意勿限醉與醒驢子突兀
才且英咿嚶肯逐蒼蠅鳴蘭蓀年才五六齡見我
拱揖稱先生淹留日夕滯歸棹梅花開落枝空橫
別來秋風生金粟巖前發值君懸弧辰本衍恰五
十賓朋齊稱介壽觴茶圃酣嬉醉三日醒來自嘲
還自賀湖山風月容高卧廣文先生豈賤貧秀才
未及官人大兩官分俸三十石廿載行看救寒餓
簡兮之詩君且歌醉拍瓦甌無人和人生放達樂
有餘富貴神仙是誰箇君不見梁園金谷成飛塵
紫皇玉女焉能親閉門著書壽無算後有子雲知

子雲

德壽宮梅石歌同諸襄七太史作

荒園疊疊芙蓉石古梅凋萎留碑刻

石刺古梅此係藍瑛筆

是當時德壽宮光堯遺迹人能識半壁江山異京

洛上皇老去耽娛樂聚遠樓前面面風一德格天

舊時閣

孝宗即以秦檜第為宅

宮中別構小湖山萬壑雲煙

在此間方丈蓬壺真可到龍沙義帳幾曾還飛來

峰勢當空走兩種苔梅世希有

梅上苔如綠絲各長尺許

花石

應留朱面餘依稀艮岳成堆阜內侍傳呼史相公

皓

兩宮上壽斲玉斗上皇沉醉呼先生君臣懽燕

同朋友寒香深處拜君恩恩與北山長不朽故宮
轉眼鑠寒煙燦錦瑤津事惘然六帝陵邊無玉椀
萬年枝上有啼鵲種瓜老圃來作主石刻蒼涼埋
宿莽風前憑吊小朝廷獨立斜陽誰與語惟有園
中石丈人閒看興亡自今古

雨餘泛舟三潭同厲樊榭孝廉作

雲移高峯峰不定湖波過雨光逾淨佳人仿佛洗
鉛華隔紗微窺晚妝靚一枝柔櫓蒼茫外綠蓑青
笠玄真態不遇南屏孫太初枯禪瘦鶴誰同載輕
船準擬泊三潭鷗鷺為羣我輩堪聽罷晚鐘煙際

宿荷花深處夢江南

宋徽宗鸚鵡圖

徽廟畫手天所縱花卉翎毛無伯仲時危點筆太
清樓萬里江山供戲弄至今流傳鸚鵡圖御押垂
垂挂當空松枝纖末起長風羽族開張勢飛動一
鳥鬪敗力已殫翻身下墜轉向天一鳥憑空奮拳
擊忽墮其腦難回旋一鳥旁矚欲相助不許雄猛
摧衰殘從知渲染有至理扶持合在危與顛如何
助金滅耶律欺人孤寡前盟寒燕雲雖復兵禍結
如以鳥雀隨鷹鷂靖康之耻繼懷愍萬里龍沙夢

初醒鸛之鵠之公辱之稠宋佶桓略相等畫圖早已露先幾誰向幾先發深省馬角難從塞外生有人將畫寄朝廷

朱弁在沙漢寄六帝御容及徽宗御畫歸披圖似帶冰

霜氣可是來從五國城

詩社諸友漸次淪沒不勝盛衰聚散之感

作歌一章柬舊同好

夙習嗜詩教文雅防漂淪當年結詩課素心聚南村後來聯北郭十子追前民地珠荆玉競懷寶扶輪承蓋正始存諸公雖非天廟器能教山澤聞韶鈞電光鳥影逾二紀疊見剪紙招吟魂鍛亭

張景

與息廬

馮念祖

一淪幽燕一西秦

齒塘徐夔與有九

陳廬

思近沒敬亭遠海濱柏堂

釋岑

老幹一枝折方外

詩卷歸幻塵鉏鉏

張錫祚

靈洲

方繼

凋喪兩山荒荒

墓草新方舟

沈用濟

一棺淮水濬鹿牀

顧敏

影堂羞

渚蘋耻庵

陳培脉

今年亦乘化詩壇故友已十人痛

惜逝者行自念南皮感舊同嘖呻人生那有金石

固要使文采能通神却憐筋力近衰邁老馬絆足

難追奔而况臨安久留滯塵埃擾擾羈孤身吾黨

崢嶸二三子驚才逸足雄人文窮廬休令歎岑寂

學海直欲窺涯垠相期努力探道要勿以萬里回

征輪明年我臥靈巖雲嚶嚶鳴鳥求其羣圖中諸
子俱好在詩寫北郭鰲翻鯨掣仍紛綸淮南叢桂
沂小雅湘江香草懷靈均不見古賢建安以來傷
綺麗希聖有作追獲麟

錢唐江觀潮

龕山赭山山為壘海潮約束狂崩奔兩儀黯黯風
雲昏初來素蛻形蜿蜿倏忽萬騎聲喧喧雷鼓統
統車嘖嘖銀城十丈高言言連營卷雪馳戈韃地
維震撼天為掀蛟龍簸蕩鯨鰲翻白馬驟震翩紅
旛疑有伍胥文種魂生為敵仇歟弟梟帝遣下雪

平生寬回漩衝擊忽一噴越山龍鳳留青痕沙隄
百里勢欲吞千夫鼓噪升高原心悸膽折神俱惛
迎潮舟人勇黝賁擘箭入浪無攀援人忽偃臥船
軒軒三入三出達海門輕將性命隨魚鼈灝渺一
氣運渾元乍噓乍噏通靈源隨日應月為更番千
秋消沉付潺湲天吳江妃爾亦煩何時斃閉天地
根五龍停鞭息九鯤人生長命安愚茫波瀾不起
還胚渾綠章吾將叫天閭

歸愚詩鈔卷十

長洲沈德潛稿士

七言古詩

長短句附

井南草廬歌為超亭賦

君公隱牆東何棚棲竈北伊人結廬井之南數間
仿佛廬全屋欹斜散木相枝撐薜荔緣牆影濃綠
日高偃臥猶未起土銚踈煙煮榆粥出則把鉏犁
入還課誦讀有時落筆掃絹素鴻戲蛇驚餘百軸
饑不逢井上李渴惟飲井中泉井甘汲多泉易竭
何如苦井春秋冬夏常涓涓前朝陳五經名養母

謝青紫鶴書徵召來門問處士井邊方汲水子今
奉母情相同飲水啜菽顏懽喜子居井南我居井
西村墟望茆屋籬落聞鳴雞往來晨夕時扶藜還
愁汲古乏修綆相期赤文綠字同參稽我老讓子
窺天倪

戴文進看碑圖

魏武未嘗渡江看碑會稽之上虞其事莫
須有也因已載雜記中故詩亦從俗

三百年後碑當墮當隕不墮逢王叵此言似誇還
似謠不解解之無不可曾公看碑事有無錢唐戴

進文進寫出江上看碑圖浩浩江流勢欲走撐空

巔巔昂其首碑陰仰看者為誰面目生動軒須睂

一人緋袍一官綠大帶撻尾腰間垂前者解頤若

有得後者沈吟良苦思從人奚官好結束罽靴短

後羌兒服三髻剪出桃花駒嚙尾嘶風與翹足此

文傳是蔡雍讚敏絕楊修識黃絹老瞞心思伏兵

機就烹偏在能鳴雁聰明受患今古同畫師微意

傳豪翰吁嗟乎才子渝則戕其身范史云修雖才子渝我淳則

愛深舐犢空傷神何如投江抱屍知有父碑雖磨

滅心常存披圖似聽波濤響仿佛空江孝女魂

漢將行

漢京崇閎閼漢代多高勲鼓刀狗屠皆得勢何況
衛霍天家親天家之親本榮貴叱咤風雲衆人畏
渾邪此日尚稱王詔遣立功向邊地追隨不數執
金吾鞭撻常加騎都尉歸來獻捷覲王都劔履公
然殿上趨姓名已勒燕然石方略還成克國圖請
奪田園武安客橫行朝市霍家奴寶器徵求歸邸
第通侯爵賞及童雛誓辭真許天長久雨露恩私
無日無禍福循環倚還伏從來歌器常傾覆井泉
流溢鳴鳶鳴鳶纓加劔全家笑鐵券丹書返內庭

柘林兔苑移他族報恩之子倏操戈珠履三千去
何速北邙抔土竟無存萬事豪華如轉燭前車之
覆後車誠後車不誠終當敗實田驕橫摠淪亡博
陸功名空蓋代君不見波浪掀天舸艦危使帆全
在轉帆時功成早辦藏弓意只有浮家范蠡知

妙空巖觀日出

蒼蒼山山在洪流萬里長江間怒濤如雷日轟激
澄波似帶相回環其中有巖名妙空巖方百丈標
芙蓉上摩半天之星斗下盤九地之蛟龍鉤梯直
上安禪窟飛閣凌虛勢突兀眠雲高枕岩之幽殘

夜推窓見紅日空中疑聽天雞鳴車輪湧出從東
瀛天地忽開萬象生俄然六合皆光明發狂大叫
震空谷磔磔雲霄鶻離木却聽鐘聲早渡江回頭
惟見春波綠

夏鎮

漢祖為亭長處

亭長居然作天子千秋空亭留泗水劉興項蹶如
奕棋高才捷足偶得之

舟行魯齊境不得望嶽作歌

婚嫁勞我生年來已粗畢而何五嶽遊虛願未償
一今年齒笑之神京願上太山絕頂凌崢嶸第一

峯頭駐雙足放眼萬里窺蓬瀛扁舟迢迢越淮甸
順流忽過鍾吾縣泗水亭荒憶漢業嶧山碑廢懷
秦篆杜陵南池紀文藻太白酒樓緬觴讌魚陶蒙
艾四山名指點中代宗隔斷青難見同舟吳季子士
示我太山圖蒼蒼十八盤上有神人居樓觀縹緲
間雲氣乍有無七十二君封禪靈金泥玉簡空追
模星辰高懸從下看帝座直逼憑空呼其下亭亭
云云列培塿恍如長老招手兒孫趨畫圖令我興
飛越轉惜天門無路筇難扶黃河雖經流浩汗青
帝未識雲模餉山靈笑我胸次隘那能氣吞齊魯

直溯鴻蒙初宵來夢羽人授我秘府冊携贈仙人
九節杖宇內名山許探歷他年終作岱嶽遊日觀
高高夜棲息三更看湧扶桑輪羣飛海水搖金碧

洗象行

將軍列坐圍廣場旌旗耀日風飄揚都人譟呼看
洗象車馬蟻聚羣奔忙儀仗前行喧角吹衆象岩
堯二十四蠻奴控引入玉河游戲波濤似平地斗
然起立旋偃伏鼉鼉之宮肆騰蹴長鼻卷水水亂
飛噴灑高空濕原陸成羣連隊何崢嶸往來出沒
縱復橫奴人狎習通象意詭傳蠻語聲傖獠忽從

象背入潭底失勢一落人皆驚三軍伐鼓氣逾倍
萬人叫譟波翻海回身踴躍上層厓歌唱闐闐如
奏凱前年南掌國名俱懷柔重譯賓至職業修進來
馴象工拜舞玉階立仗隨公侯因觀洗象識服遠
海隅日出通共球拂箴香象奮威武

聖朝仁獸來中土君不見一角麒麟產東魯時山左奏麒麟生

喜雪

小雪大雪不雨雪雨雪乃在冬將徂夜寒偃臥不
成寐冷氣栗烈僵體軀吳蠶食葉紙窓響曉看上

下歸糲餬開門朔風卷衣袂絲絲撲面濕髣髴冥
濛雲際露雙闌瓊樓瑤觀神仙居髮髯連綿三晝
夜節序已屆春之初填阨堆谷盈尺許有待霖霖
均沾濡我聞雪為百穀精無雪應繼無冰書冬天
恒燠陽氣泄蝗蝻蠕動堪憂虞

深宮齋心默祈禱旋見六出飄空虛

聖人即祚善繼述夔皋共鯀區殊途茅拔距脫誦
石介二庭六詔齊歌呼蠲租肆赦沛

恩澤萬國漸免傷肌膚黃衣白足各解散巢鳥破
鏡同誅屠從知

帝心即

天意有觸斯應覘斯須衆惟魚矣牧人夢豐年有
兆良非誣吾居寓廬雪滿戶積素凝結堅門樞呼
童縛帚掃庭際置以瓦鼎韎地爐初疑松風吹謖
謖又似蚓竅鳴嗚嗚主人授簡散南院芝庭宮允點袍
撲馬旋清都邀我作詩紀瑞雪硬語直欲盤韓蘇
七言共成白戰體五夜相對青燈孤何當喚取摩
詰手寫出西山晴雪圖

憫忠寺寶塔頌碑

君不見唐宗征遼虛奏績不歸將卒歸殘魄遺骸

山積築高墳建寺憫忠憑佛力遣人更立鄭公碑
事後悔心竟何益四傳天寶開窮邊蕃將代漢專
漢權阿睨肆毒擾天紀唐家父子遭播遷豺狼梟
鏡自賊殺安史相繼雄幽燕磚塔屹立憫忠寺思
明揚頌文腥羶范陽入朝旋畔逆虛尊唐帝為光
天刀輪折鋒火寢息迥出三界超四禪彌天罪業
歷塵劫龍象那許歸慈緣撰文傳是不矜筆范陽功曹
參軍張蘇靈芝書體邁逸幽州之地留古碑不矜文
千秋高笑兀我欲長繩倒此石粗砂磨治還本質
勿使穢迹峙禪窟吁嗟乎奸雄劇賊橫相干四紀

耄荒嗤阿瞞喜功好大繩祖武開國還思天可汗
塞北省親圖為范笏峰題

代郡古稱設險地控扼榆林衛幽薊偏頭寧武連
雁門三面邊防爭地利范侯一麾乃出守車前朱
幡印在肘龍泉斷割無艱難代北循良滿人口公
子吳中望白雲迢迢天末來省親遠慰嚴君定省
志輕軒穩御太夫人裹糧北上三千里先詣神京
去天咫尺太行西折走居庸宣府雄藩畫疆紀柳屯
枳嶺迤邐過白草黃羊舊軍壘河流繚繞環邊牆
峭壁萬仞開中央戍樓旌竿矗雲表瀑布衝擊聞

雷礮北嶽諸峰互鉤帶大同遙指天蒼茫主人蜀
袍白面郎霜蹄蹴踏馳飛黃黃須奴子控鞍勒顧
高眼突疑渴羌鼻尖出火煙吐吻便思拓弓騁馬
從兩狼此行省覲匪校獵餓鷁那暇鳴枯桑前眺
飛狐入雲路鷹隼迅擊愁難度僕馬班班木杪行
想象版輿天際去從茲官舍覲慈顏兩世承歡孺
子慕畫圖渲染生輝光人物山川摠真趣惟有春
暉寸草心難將至樂傳毫素放眼漠漠黃雲平心
游如在焦家坪親闡調膳廣徵志絕塞安邊魏尚
名吁嗟乎吾生孤露慙色養老去胸懷餘跌踢卷

圖顧眄從復橫力戰雲中緬飛將

唐明皇太山封禪碑

有客經行太山歸示我明皇封禪磨崖碑高文典
冊儷姚姒塗改點竄辭瑰奇鋪張五聖佑萬禩合
撰兩大周八維御書古隸體蒼勁光和苦縣相攀
追箕張昂萃勢向背龍蟠蛟走形躡踞吾聞聖王
為民請命福宇內恭儉力行屏驕泰建極錫極憑
王心不在禎符仰神賚有虞攝位勤東巡燔柴祀
天首泰岱七十二君封禪俱荒唐玉檢金泥付茫
昧開元初政婉太宗勤政務本先深宮詔焚珠玉

定服御禁奏祥瑞書年豐而何侈心忽萌動張說
聳患來東封汾陰已見荅后土太山直欲通玄穹
百官扈蹕四夷侍萬國表賀昭豐功君道貴謙忌
盈滿天寶祗政早已覘凶終宮中王母落日留蝦
蟇忽變長黃虬雄狐腹劍稱伊周更議封禪凝天
休西嶽祠火停宸遊漁陽鞞鼓驚延秋青驃蒼黃
奔益州迴望岱嶽雲悠悠升中秘冊仍探不靈武
徵兵時倥偬諸將攀龍還附鳳華夷并力收兩京
紀功崖石煩磨礱去漫郎老筆顏公書中興更勒
浯溪頌

凌氏如松堂文讌觀劇

置酒高堂夜撾鼓錦幃卷霏紛歌舞霓裳拍序纖
板聲傳出英雄與兒女梨園子弟聲價高法曲親
聞天尺五座中半是人中龍盛名煜爚推南東鴻
文素積京圃玉榮遇直上長楊宮妙年聯翩擅豪
氣俊邁似欲無終童而我頽齡亦在列何異春苑
飛秋蓬憶昔康熙歲辛巳橫山先生執牛耳堂開
如松延衆英一時冠蓋襄陽里酒酣樂作翻新曲
時朱翁素臣製曲有杜少陵獻三大禮
賦琴操問禪楊升庵伎女游春諸劇龍笛鷓鴣
鬬聲伎雲鬟小隊舞柘枝雪面參軍墮簪珥流風

自詩金一
無迹彩雲散花月歡場曾有幾側身天地念前塵
日月奔波一彈指雪中鴻爪記當初重上華堂三
紀餘此日庭前喬木在往時筵上故人無封胡羯
末逢公姓樹蕙滋蘭憶左徒絃管聲中增歎息綺
筵慙媿白髭鬚

贈魏浮尊道士

虞山畫師獨往客五岳經行一筇屐歸來潑墨掃
煙雲胸次山川有誰敵晚年倦作諸侯賓筆牀茶
竈移吳門升堂弟子有數輩誰其秀出今浮尊浮
尊道人餐霞子谷神養就長不灰愛將餘事弄丹

青山是真山水真水尊前示我海嶽圖方丈蓬壺
乍有無泰岱松雲落几席蠶叢殘雪寒肌膚恍然
坐我煙水窟獨往精神呼欲出殷勤為我寫幽居
酒罷看君重落筆草堂築近館娃宮野店山橋處
處通疎鐘杳杳傳雲外嵐翠重重落鏡中故園如
此不棲宿馬蹄空踏京塵紅知君畫意通窈渺風
我還山讀書好青鞵布韞逐仙翁林屋相將拾瑤
草

送馬力畚歸維揚

昔人定交杵臼間惟我與君定交舉場內三條燭

盡漏箭移圓月光中靜相對高談肝膈吐芒角天
下英雄使君寂君家拔釐城先登而我過都鷁自
退別來歲月頻推遷中間萬事變滅如雲煙蘆溝
橋畔忽相遇馬上共揖珊瑚鞭惟時網羅頓八埏
鳳麟騏驎來幽燕尚方給札分羣賢期門旅賁共
驚歎爭看殿上走筆如飛泉昌黎中書竟黜落杜
老回首終南邊爾我今張各鄉縣一水迢迢渺銀
漢蔡邕乍賞爨下殘莊生詎作溝中斷今年會面
仍燕京健筆老去能掣橫山鯨雅軍斫陣氣無敵
小夫那敢相搪撐天馬蹶足驚駘進遇合從古難

為憑豐臺勺藥花將吐遊子匆匆抽別緒折取將
離送遠人前路茫茫別如雨八年迴憶定交初無
限牢愁轉難語待君馬首從南來請看龍劍會合
黃金臺

書馬文毅公彙草辨疑後

文毅公名雄鎮遼左人官粵西巡撫康熙
甲寅叛將孫延齡通逆藩吳三桂以兵圍
巡撫署欲降公公自縊解救之不得歿持
佩刀自刺奪其刀不得死幽囚凡四年公
取歷代草書細分點畫部居類聚名彙草

辨疑其標目楷書妾顧氏筆也後延齡感
公忠有歸順意逆藩知之遣其子殺延齡
因殺公公從死者夫人李氏妾顧氏某氏
二幼子媳董氏二女僕諸老道厨人圍卒
以下共四十餘人長子次子公先遣入
朝告變得不死逆平後

朝廷贈爵予謚公之子得草書於灰燼餘有天意
云

臣死國子死父妻妾死夫僕死主一門靖節今古
難飲食如飴視刀俎幽囚密室辨草書點畫波磔

分形模寸心有主那肯亂授經黃霸同恬愉簪花
小楷侍姬注區部標目疑文儒身騎箕尾正氣在
神鬼呵護干戈餘長蛇剪屠戮殪青史千秋表
忠義旌公大節重公藝書傳顏平原歌傳文信國
與公三絕同手澤鐙前翻閱逢精靈恨血燐燐到
今碧

北郭詩人歌

石帆詩理通優曇老去彌勒為同龕論詩將令森
兵鈴斷斷嶽嶽加針石張九齡鶴沙襍積抽繭蠶一
韻未憚終身慙脫棄家室無膠粘華亭張迂邨期

期語誦誦友朋山水性所湛五言六代窮搜探純

鈞不露寒芒銛周欽山人飼鶴南山南結芝木友

鄰菊潭新句澄澈開鏡函古澹直欲聞韶咸尤在

何人使筆馳風帆毛公諧謔饒清酣擲紙一笑掀

銀顛毛遇汲敬亭縱飲神慙慙擊缶耻發聲齷齪

吐語萬象供鑄鏡宣城洪白松奇陣鼓且僂生馬

不施勒與銜意氣直欲降章邯朱雲友木鷲居士

神安恬懷人弔古臨風檐晚唐元代中州兼蜂釀

崖蜜中邊甜朱念祖陳生入世百不諳嗜奇獵古

貧夫貪樂府神味伊涼甘誰其歌者宜何歎陳經

錢塘詩老氣渾涵胸羅豫章與梗楠吐納衆有含
洪纖勺湖荒穢俱夷芟遠追曹阮君其堪兩賢左
右同驂驪先後十載埋雲嵐

錢塘家方舟用濟
廣南方東華朝

題凌靜圃顛遊黃海圖

我聞天都黃山三十有六峰峯峰巉絕形龍從匪
夷所思足荒幻出理境外誰能窮山石無定態歌
昂騁伏獸奔鬼攫兼橫縱古松斷塵土千年不長
偃蹇突怒蟠崆嶺雲從一峯忽飛出迷漫南北連
西東巒嶺有無隱復現卷舒聚散隨天風恍如神
山可望不可到樓觀縹緲仙人宮心驚魄悸忽作

望洋歎茫茫濤浪直欲連層穹世間此境可造訪
身無仙骨無繇逢伊人列仙曾胸次雲中鴻九峰

三御風昔釣遊處東華軟土那受塵埃蒙故園黃

山嘗入夢

先世本天都人

倏忽飛度青芙蓉置身如在蓮

花寂高頂俯看但覺兜羅綿現煙濛濛星辰列碁

枰日月跳樊籠雲旗影悠悠風馬聲隆隆青鸞絳

節導以雙童其中疑有軒轅之駕隨飛龍浮世伯

容成公御風乘氣——來追從夢遊雖已到神境

終墮惚恍歸虛空青鞵布襪願獨往還思著屐直

踏雲千重繪圖寫奇狀滅後難為容哦詩吐懷抱

煙霞滿心胸息壤在彼詎可負焉能直待抽却手
版扶孤節願君裹糧携宿春我當追隨比驅蛭生
平百事俱踈慵獨有尋山賈勇情偏濃更聞羅浮
離合風雨中匡廬千丈懸玉虹武夷水樂聲潺湲
天台石梁跨穹窿雁湖瀑布廬山同豈獨海外推
方蓬請君廣抱九宇願他日遍遊洞天福地四方
上下尋仙蹤

覺生寺大鐘歌

牙角齸齸蟠老龍色相古黝兼青紅旋蟲躩踞列
衆獸旁羅鬼恠諸森凶重逾萬石更萬石漢高廟

器將母同金泥傳自明永樂遷都北地仍燕封廟
社既建鼎呂定次及梵宇成華鐘道衍監造後鳧
氏數倍仙掌鎔金銅彌陀華嚴薈全部沈學士度
筆藏稜鋒懸之傑閣入雲表六僧舉杵齊撞春當
年燕飛啄孺子南兵百萬為沙蟲抄連瓜蔓凝碧
血禍延赤族鋤羣忠憑仗佛力消黑業趙趙聲徹
天門重恒河沙數至無算火燄滅熄刀輪空從來
王者貴不殺豈緣象教尊禪宗神孫更創萬壽寺
大璫勢力移其中熹宗以後委諸地龍臥沙草雲
難從

熙朝郭西建寶刹重樓複殿棟宇隆錫名覺生代
木鐸警醒憤憤憐愚蒙鐘從廢寺徙新構萬牛迴
首驅徒工鯨鏗鼉鳴整課誦響達長樂隨天風我
來郊原訪林麓一徑委折趨靈宮諦眎古蹟決雙
觥偉觀一豁平生胸因思雞鳴埭西北巨鐘蝕土
眠蒿蓬摩挲永樂二年鑄兩地禱福邀天功一鐘
淪棄聲久啞一鐘叩擊驚頑聾蒲牢亦等遇不遇
何況士類分雌雄獨惜大鏞置佛地虛無祇伴金
仙蹤今

皇崇道講經學鴻都觀禮來耆童始終條理藉法

物曷不輦載歸辟雍於倫於樂頌

聖德相和鼙鼓聲逢逢

長江萬里圖

江濤洶洶空堂起岷山導江至揚子揚一益二包
荆襄匹纁中間萬餘里人民城郭遮隱見無限楓
林雜蘭芷老我驚心歲月遒頻年楚尾與吳頭渚
宮玉壘勞魂夢至喜亭邊未放舟披圖欲溯江源
去載却雲旗賦遠遊

沉舟歎

韓庄牖外洪流急風駕浪頭丈餘立歌帆側舵衝

浪行觸石收帆勢難及滿船客子無人色性命灰
生判呼吸隣船救人飛鳥過得脫蛟涎自稱賀心
怵目眩耳亦聾剪紙招魂有誰箇吾生窮薄理則
邨兩日空邨坐寒餓人生何處無波瀾丈夫行路
從來難前途不逢傾險地那識坐卧平時安朝來
換船鼓柁去遙天煙浪心茫然

耕巖草堂歌

前朝宣城徵君家眉生歸隱地也孫樛崖來吳屬余作歌

陵陽徵君

壽民

偉丈夫思陵召對來陳書危言指斥

樞輔臯

請罷閣部事

奪情忘父慙林鳥刺期滅寇寇轉

熾瘡痍流毒成癰疽疊陳三疏辭愈厲甘伏斧鑕

忘其軀書生不效偶然耳虎鬚捋罷回征車鼎湖
龍去丁陽九一馬渡江嚮南走卧薪嘗胆了不聞
但對長星勸杯酒太阿有柄付汪黃欲斬陳東并
曾偶徵君亡命同張儉正值

真人起龍戰掃清海宇無風塵長夜漫漫有時旦
歸來故山結草堂把耒畊巖脫憂患剩塘環其外
洪林亘其前近接麻姑嶺遙望敬亭山山間猿鶴
時往還徵君著述年復年得意便欲忘言詮忽然
奮筆誅諛姦迴思請紉躋天關龍髯既遠難追攀
徵君長往同逝川後賢樂志眠雲煙讀書作畫畊

石田千里迢迢到吳會愛余晞髮辭埃壘橐中出
示徵君書陳亮劉蕡見風慄梟鸞今別有同心薑
桂由來重前輩何時芒屨蹋破姑山雲草堂深處
彷彿逢徵君

訪程莚江於晚甘園莚江季父風衣周白
民邊頤公業庸謹砥瀾亦至日暮言別

珠湖一曲波瀾明鏡乍磨清見底篙師導我上
艤艤直到疎楊深處艤此邦佳士雜狂狷主客相
逢弄柔翰前者唱于後唱喁樂事從來我曾擅雄
飛雌伏那有常一笑浮雲看變幻相送還携酒滿

壺迴船欲聽晚啼鳥參差樓閣銜斜照身在松年
平遠圖

趙北口懷古

燕南垂趙北際猛鷲公孫曾割據中央如礪擬赤
符妄以童謡應祥瑞雄心枉自殺劉虞兵敗身燔
竟何濟此日空留戰伐名泐泐河水有餘清垂楊
萬樹漁千戶眼底何曾話易京

花圃歌同李玉洲前輩作

豐臺花步聯阡陌老圃家家好顏色四圍縛樹代
重垣一路樊籬限生客香風不斷醉行人此地還

應號花國護花勝是護家兒。攘剔滋培貴及時。汲井灌餘私雨澤。設帷張幕減炎曦。垂枝驕葉翩翩態。有韻無言綽約姿。冬日唐花榮地窖。火烘暖氣春先報。朱朱白白雪中開。不使化工歸大造。虎兇花術竅知名。浙地名花聚馬塍。明麗當時數吳越。芳華此日讓神京。種花祖業傳孫子。賽罷花神列花市。移花擔入鳳城中。換得錢歸滿家喜。生卒不省把耕犁。衣食年年在紅紫。別有平泉舊日莊。主人徂謝業全荒。王孫木在移僧舍。簡子名花枝摧委路旁。鋤菜兒童平故苑。失羣狐兔竄高堂。相逢花

圃澆花叟指點名園話夕陽

救饑行為家菜園侍御作

傳聞淮徐間饑民日屯聚草根食盡剥木皮到處
俱成白榆樹饑腸結澀喉出火全家十人五顛仆
前年兒女隨路鬻今年兒女無鬻處子棄死父妻
棄死夫同行不顧婦與姑道旁過者那敢視烏鳶
啄屍滿路隅長官入告惜軀命誰當閭閻窮號呼
吾家真御史慷慨陳奏牘流民宿壽連濮曹寫盡
逃亡一路笑及今無策散遣歸蟻子還防變蠹毒
宮中聖人廣諏詢救熱拯溺切廼身截漕振荒待

麥熟已遣大吏遍拊循更因此言疊散振摠欲活
此七十餘萬之窮民即今三輔歌雲漠惟懼灾荒
繼淮甸應天以實不以文

九重下詔求直諫回輶有方能指陳顛爾更奏

金華殿

種竹詩為某園侍御作

長安塵沙眯雙目白草荒荒少修竹主人庭前種
得三五竿便有清風到荷屋當堦還餘半弓地更
補新梢喜攢簇近垂蘿逕煙濛濛遠和松濤響謾
謾著書日夕靜相對仿佛良朋伴幽獨春來忽報

苔花破迸出萌芽抽碧玉同人携酒互來看比賀
添丁蕃似續主人往日戀西溪北高峰陰碩人軸
梅花為國竹為海寒香林裏須眉綠今來日下養
籜龍幾枝儼對簣簞谷物情少見便為貴有似水
居重麋鹿或云主人嘉植託微意勁節磔礪聊自
勗或云讀罷殘書齧菜根不逐紛紛餐梁肉主人
聞言笑不答注目檀欒翠如沐呼童汲井貯寒泉
砌下新添數叢菊

苦熱行

長安酷熱真無奈

標

火繳炎官勢方大幽燕轉似

頭痛山常有惡風逼虛座朝堂束帶汗如雨况淩
長驅走鈴馱鬱烟霧處蒸毒淫塵埃時時迷堀堦
街頭日有暍死人五城共報千百箇我生眠食故
依然不獨自憐還自賀招邀怕赴河朔飲款謂愁
逢襪襪過避炎偏受歇陽煎盡日煩冤甑中坐夢
魂忽到冷泉亭齋淪綠淨不可唾長松激響翠欲
飛怪石穿空雲可臥夢迴依舊落此間散髮無緣
洗塵浣起行愁思立中庭百感茫茫閑勞瘁郊宮
禱雨信杳然新月上弦斜半破

觀孟蘭盆會作歌

半明半滅燈火青鬼王現出形猙獰寺僧高座誦
梵經左手持訣右手搖鈴鈴聲響衆聲滅梵語遲
梵語疾呪開枉死城幽魂爭向城中出陰風索索
吹紙船燐光熠熠棲紙錢似霧非霧煙非烟一時
觀者顏如死灰色恍惚百千萬鬼來筵前貴達官
賤厮養老尪羸壯倔強高者俯卑者仰近者前遠
者望或屬暴亡或久納壙或連卷偃僂或沉淵搯
吭耶孃妻子聯袂來一鬼天然一形相佛尊大開
紺露門夜深同赴盂蘭盆當筵飲罷功德水忘却
身是空中魂魂歸月落天欲曙高僧塵中募緣去

楊忠烈公祠

古來慘毒那有此獄中畢命六君子諸公連類首
應山婦寺義兒同切齒惟公激烈稱孤忠倉卒定
變先移宮後陳二十四大罪照徹鬼膽磨青銅搏
擊不中受奇禍骸骼暴日屍生蟲妻孥城樓飽風
雪身後餘毒流無窮人之云亡邦國瘁明社沈淪
等兒戲只有孤臣一片心地下可訴高皇帝德安
故里有遺祠颯颯靈風欲滿旗行人下馬肅瞻拜
如見鬚髯戟立時